



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. F. Felicis Potestatis Panormitani Ordinis Minorum S.
Francisci de Observantia ... Examen Ecclesiasticum**

Potesta, Felice

Coloniæ, 1712

Pars III. Examen Missionariorum.

urn:nbn:de:hbz:466:1-40060

ad femur apponat, nisi raro, cum ad indignationem movere voluerit. Ne pede supplantat, nisi cum de rebus maximis agit. Ne digitorum gestum indecorum adhibeat: nec ipsorum argutis utatur. Ne crebro expuat, vel tussiat, nisi necessitate coactus.

Alia indecora similia fugiat, studeatque,

ut actio sit libera, ac naturalis, non affectata; item nobilis, generosa, & spiritu plena, sancta continens, & sine præcipitatione: quod totum facillimè consequetur, si in principio suæ exercitationis in hac arte concionandi peritos Magistros consulat, à quibus erudiat, & corrigatur.

P A R S T E R T I A

Examen Missionariorum.

436 Quoniam ipsum Missionarii nomen apertè satis admonet, eum, quantum præcipuum Apostolicum opus aggredi cupit, debere esse Missum; dicente Apostolo ad Rom. 10. *Quomodo prædicabunt, nisi mittantur?* Ideò primò advertit unusquisque, qui talentum verbum Dei annuntiandi obtinuit, ne temerè ad hoc munus obeundum se ingerat, sed solum, si Deo interius inspirante, ab ipso sit vocatus tanquam Aaron; quod facile dignoscere poterit, si pro unico, & principali fine habeat, minimè temporale aliquod emolumentum, sed Dei gloriam, & Animarum profectum. Et tunc obtenta prius Ordinarum facultate, suorumque Superiorum benedictione, opustam Deo charum aggrediatur.

437 Secundò, Hoc peracto, eum uno, vel duobus sociis (prout loci Ordinario placuerit) omnium devotione, ac modesta ad civitatem pergens, seu locum, ubi Apostolicam missionem exercere voluerit; antequam incipiat, præmonitum faciat Parochum de suo adventu, & sine, ut ille sibi assistat, & faveat in cunctis, quæ ad suum Ministerium conducent.

438 Tertio. Civitatem, seu locum ingrediens, unus imaginem Crucifixi anteferat; alter verò campanulam, qua dato triplici signo, alta voce laudabit Sanctissimum Jesu Christi Nomen, vel Sacramentum, & Immaculatæ Virginis Mariæ sine macula originali Conceptæ.

439 Quarto. Magis elevando vocem, dicat: *Venite filii, audite me, timorem Domini docebo vos;* vel alium consimilem textum; aut aliquam orationem jaculatoriam lingua vulgari, quæ sibi ad commovendum populum, ipsumque ad Ecclesiam convocandum magis apta videbitur.

Hinc quasi processionaliter incedentes, Litanias B. M. V. canere poterunt, vel coronam recitare, & plateas, aliaque loca populo magis frequentia transeundo, aliquantulum sistat, & verba aliqua exhortationis faciat ad excitandos otiosos: *Quid hic statis tota die otiosi? Quarite Dominum, dum inveniri potest;* vel aliud simile, & sic omnes post se conabitur trahere.

440 Quintò. Cum in Ecclesiam fuerit populus congregatus, pulpitu Missionarius ascendat, & primùm de ipsa Missionem sermo-

Ccccc

neat

nem habebit, pro quo assumere poterit thema illud, Exodi 3. *Qui est, misit me ad vos*: Ostendens se tanquam Moysen à Deo Missum ad eos liberandos ab hujus presentis sæculi Egypto, & à miserabili servitute diaboli.

Sermonem autem in tria puncta dividere poterit, differendo videlicet: Primo, de Dei gloria, Secundo; de Animarum salute. Tertio, de Emendatione vite, Invitet omnes ad penitentiam, ad compunctionis lacrymas & ad peccatorum suorum integram, atque lacrymabilem confessionem; pro qua excipienda, sese, ac focium exhibeat, si is quoque Confessarius fuerit; nec non alios probos adeundos Confessarios pro faciliiori expeditione adhortetur.

Denique, Si Indulgentiam plenariam teneat [uti Missionarii mei Ordinis tenent, ex *num. 445*,] habita prius Ordinarii benedictione, & in Regis Bullæ Commissarii Cruciate licentia, Indulgentiam publicet, & ad illam designata die [quæ poterit esse ultima, & Dominica] lucrandum invitet.

441 Sexto, Quolibet manè Missam celebrabit, in cuius fine [si circumstantiis loci, & personarum attentis, judicaverit expedire] haud parum utile erit (si verba pauca, sed fructuosa ad auditores habeat, aliquid Missæ mysterium, vel textum currentis Evangelii, seu Epistolæ, breviter declarando: Et post gratias Deo actas reliquum Matutini temporis in audientis Confessionibus infuset, vel in aliquod aliud pietatis officium; ut in sedandis inimicorum odiis, in assistendo moribundis, in Sacramento Eucharistiæ ad infirmos associando & in aliis similibus pietatis, & charitatis operibus, ostendens se in cunctis Animarum salutem, Dei que cultum, & famulatum querere

442 Septimo, Actum missionis perficiet hoc pacto. Populum prevenire poterit affi-

gendo per locum tesseras convocante, in quibus dies, & horas Missionis, & Concionis notentur. Die præfixa accedente, cum per solita Campanæ signa evocabit. Et si opus fuerit, ipse cum socio Vespertina hora cum Crucifixo, & campana ad eundem convocandum exiet, & secum ad locum perducet.

Ibi post Vesperas ad locum aptatum abiens, per horæ dimidium, doctrinam Christianam, articulo si que fidei explanabit. Utinam erit, & simul jucundum, si fiat per oppositionem puerorum aptiorum, ad hunc effectum prius selectorum, & tunc ante Missionariorum coram populo dispositorum, quorum unus Missionario de articulo Doctrinæ Christianæ interrogatum, si erit, alius corrigat, & Missionarius super illo puncto suam declarationem addat, sicque prosequatur.

Post dimidiam horam doctrinæ Christianæ, quadrantem horæ cum populo genibus expendet in oratione mentali, vel vocali ipsam dirigenda pro S. Rom. Eccles. institutione. Principum Christianorum pacem concordiam, & hæresum extirpationem.

Statim [si fieri poterit] aptus Sacerdos aut Clericus, in organo [si pullari poterit] ut propè Missionarium stans cantum in voce loci modestè canere poterit, que sit materia concionis conformis.

Inde Missionarius in eo loco, aut in populi consuetudinem habebit per tres horæ quadrantes, in cuius fine diem, & horam suæ concionis consignabit.

Prima concio esse poterit de confessione, ejus partibus essentialibus, maxime peccatorum integritate, dolore, proposito. Aliis vero diebus sequentibus materiam concionum infuset, prout melius animarum necessitas viderit expedire: Videlicet de quatuor: Nativitate, Morte, Judicio, Inferno, & Paradiso.

De Dei misericordia in parcendo verè poenitentibus. De malo procrastinantium converti ad Deum. De gravitate, & sæditate peccati mortalis.

Supra omnia autem valdè fructuosum erit imò necessarium de decem Præceptis Decalogi, de Præceptis Ecclesiæ, & septem vitiis Capitalibus sermones contexere, ut plebs ignara clarè, & distincta legem Dei addiscere valeat, & quæ observare, quæque vitare teneatur, agnoscat; ne forè de ipsius Prædicatoribus suis conqueratur Dominus, dicens: *Parvuli peterunt panem, & non erat, qui frangeret eis.* Hinc haud parùm proficuum erit, si aliquibus diebus à diebus concionis distinctis horam ad doctrinam Christianam, & præmissa præcepta explananda assumet, de quibus quid discendas fuscè habes in tomo I.

443 Octavo. Hoc saluberrimum Sacræ Missionis exercitium haud habet præscriptum tempus. Perdurare autem solet per quindecim, decem, aut octo dies, Protrahi potest ad mensem, si necessitas postulet; quod magis expediens esset pro doctrina Christiana in oppidis, & locis rudibus,

Et tempore poterunt quinque, aut octo conciones, uti supra num. 242. fieri; juxta locorum, & personarum opportunitatem.

443 Nonò denique, Ad magis excitandam populi devotionem, poterit Missionarius sua Missionis tempore duas, aut tres Processiones ordinare cum interventu Cleri. Primam in principio Missionis pro dispositione, ut dictum est à num. 437. ad 440.

Secundam in medio pro poenitentiae exemplo ad peccatores commovendos, in qua deferentur imaginem Crucifixi grandem cum luminibus, quantum fieri potest, ferentibus Clericis Sacerdotibus, Religiosis, aut confratribus, & congregatis supra caput, & collum poenitentiae, ac mortifica-

tionis instrumenta. Et tunc sermo erit de Passione Domini, vel de poenitentia agenda in remissionem peccatorum.

Tertiam tandem processionem faciet in fine Missionis pro gratiarum actione, quæ fiet cum lætitiâ magna, simul & devotione, deferendo imaginem Beatissimæ Virginis festivè ornatam campanis pulsantibus, canendo hymnum: *Te Deum laudamus*, insuper gaudii, ac laudis Psalmos: & Cantica. Inde erit sermo de gratiis Deo agendis pro beneficiis cunctis tum spiritualibus tum corporalibus, generalibus, & particularibus, præcipuè ipsius Missionis tempore ab omnium bonorum largitore collati, Cui & Ego præ cæteris gratias ago, pro hujus *Examinis Ecclesiastici* Initio, Incremento, & Meta.

INDULGENTIA PLENARIA

Concessa Missionarij Ordinis Minorum de Observantia Sancti Patris Francisci, & Christi fidelibus, ad quos iidem Missi accedierint.

INNOCENTIUS PAPA XII.

Universis Christi fidelibus præsentis litterarum inspecturis, salutem & Apostolicam benedictionem.

445 **C**œlestium numerum thesauros quorum dispensatores esse nos voluit Altissimus, libenter iis impartitur, quos pro sua in Deum, & proximos charitate, & Christianæ Religionis zelo, animarum salutem omni studio procurare intelligimus. Quo in genere cum Fratres Minores Ordinis Sancti Francisci de Observantia habeamus, eosque in primis, quos Dilecti Filii eorumdem Fratrum Superiores ob hanc causam hoc ipso, & consequentibus annis in diversis

Ccc cc 2. Provis.

„Provincias Christianæ Republicæ mittere
 „constituerunt: Nos sanè eorundem Fra-
 „trum pietatem, ac operam, eorumque, ad
 „quos illi mittendi erunt, religionem, & de-
 „votionem spiritualibus gratis confove-
 „re, atque augere cupientes, supplicacioni-
 „bus dilecti filii **Marthæ** à Sancto Stephano
 „dicti Ordinis **Ministri Generalis** Nobis su-
 „per hoc humiliter porrectis inclinari, piam-
 „que illius deliberationem, quantam cum
 „Domino possumus, promovere volentes,
 „de Omnipotentis Dei misericordia, ac
 „Beatorum Petri & Pauli Apostolorum ejus
 „auctoritate confisi, omnibus & singulis
 „Fratribus dicti Ordinis, tam Reformatis,
 „quàm non Reformatis Ministro Generali,
 „eiusdem Ordinis subjectis, ad Missiones in
 „quibusvis locis de Ordinariorum licentia
 „respectivè exercendas in futurum mitten-
 „dis [ubi tamen non erunt Missionarij Con-
 „gregationis de Propaganda Fide] & aliis
 „utriusque sexus Christi Fidelibus, ad quos
 „ipsi mittendi accesserint, nostram, & Apo-
 „stolicam benedictionem per presentes im-
 „partimur: Necnon iisdem verè pœnitenti-
 „bus, & confessis, ac Sacra Communio-
 „ne resectis, qui pro Sanctæ Romanæ Ec-
 „clesiæ exaltatione, Principum Christiano-
 „rum unione, infidelium conversione, hæ-

„resum extirpatione, prout unicuique sig-
 „geret devotio, pias ad Deum pietates effu-
 „derint. Plenariam omnium peccatorum
 „suorum Indulgentiam, & remissionem mi-
 „sericorditer in Domino auctoritate Apo-
 „stolica tenore presentium pro una vice
 „dumtaxat pro unaquaque Missionis de-
 „dinariorum locorum licentia respectivè
 „cienda, concedimus, & elargimur. His-
 „tantes Venerabiles Fratres, Patriarchas,
 „Primates, Archiepiscopos, Episcopos, &
 „alios Ecclesiarum Prælatos, & Rectores,
 „ac verbi Dei Prædicatores, ut in suis que-
 „que Ecclesiis, eùm populos frequentius
 „fuerit, presentes litteras, & omnia
 „contenta publicent, & publicari faveant,
 „ac omnem eisdem Fratribus, tam Reformatis,
 „tis, quàm non Reformatis favorem, & co-
 „xilium in præmissis præstent. Volumus
 „tem, ut presentium transumptis, etiam
 „impressis manu alicujus Notarii publici
 „subscriptis, & sigillo personæ in Eccle-
 „stica dignitate constitutæ obfirmatis, &
 „prorsus fides adhibeatur, quæ ipsorum
 „sentibus adhiberetur, si forent exhibita
 „vel ostensa. Datum Romæ apud S. Ma-
 „riam Majorem sub Annulo Piscatoris, die
 „xx. Augusti, M. DC. XCIX. Pontificatus
 „nostri Anno Nono.

I. F. Cardinalis Albani

LAUS DEO,